

黑龍江志稿卷十四

物產志

植物 穀屬

穀 夫餘土宜五穀挹婁有五穀後漢書穀米有大小二種最大者

曰沙穀粒稍尖者曰芝麻穀盛京志穀有紅黃二種紅穀性黏黃

穀性不黏去殼即成小米穀為穀糠小米為食物大宗穀雨播

種寒露時收穫林甸縣志穀子種類甚多有黃穀白穀黃黏穀紅

黏穀等又有黃穀白米者春去其皮謂之小米子農家日食皆

賴於此其莖可飼畜望奎縣志

小麥 卽詩之來芒刺之形如足行來故麥字從來从夂說文勿吉

土多粟麥北史靺鞨土多麥隋書黑水靺鞨有麥唐書女真地種麥一明

黑龍江志稿

卷十四 物產 植物

統志小麥卽詩之來黑龍江所產色最潔白性復宜入麪盛京志艾

渾麥麪甘香勝中土所產作餅鬆美龍沙紀略小麥類大麥而小故

名小麥其種有火麥有洋麥有無芒麥俗名光頭麥均可磨麪

每年早春布種至秋後方熟較內省刈麥之後再種菽豆者不

同拜泉縣志小麥卽宿麥也漢武帝紀勸民種宿麥以其歲冬種之

經歲乃熟惟此地則春種秋熟不能經冬

大麥 卽詩之牟夏無霧雨則收盛京志爾雅謂之牟莖葉與小麥

相似但莖微麤葉微大芒長殼與粒相連碾米作粥飯甚滑并

可作麪和蜀黍以燒酒廣羣譜大麥詩謂之粦葉實似小麥微肥

清明種立秋前收呼蘭府志莖高三尺許頗類小麥葉稍闊而軟仲

夏開花集莖頂成穗尖銳有長芒結實較小麥為大而皮厚漬



水發芽為麥酒之原料並可製糖其莖可作草帽林甸縣志

蕎麥 伏種秋收以黑龍江所產為良更三四磨白如雪味甘香

勝中土所產作餅鬆美盛京通志首夏旱不能藝大小麥以蕎麥補

之收穫在諸穀後呼蘭府志蕎麥莖弱白花實三稜大暑種白露熟

皮黑性冷磨麪佳巴縣志蕎一名莖以莖弱而翹然易長易收磨

麪如麥故曰蕎而與麥同名也又曰烏麥以實老則烏黑也又

曰花麥以開小白花繁密粲粲然也夏至後下種秋分前數日

收穫價值最賤拜泉縣志

穉麥 有二種一類小麥而大一類大麥黑龍江多種之呼鈴鐺

麥麪亦充貢盛京通志又名春穉亦呼黃稞形狀與大麥相似但皮

厚色青作麪脆硬廣濟譜穉麥似大麥而大土人與稗米作飯頗

黑龍江志稿

卷十四 物產 植物

二

滑潤名玲瓏麥扈從錄穉麥穗形散亂如燕尾故俗稱亦曰燕麥

綏化縣志

蜀黍 今呼高粱土人率多飯此漚為米粉食品所珍又可入麪

燒酒盛京通志蜀黍一名高粱相傳種始自蜀故曰蜀黍殼黑實紅

微甘莖丈餘葉似蘆穗如帚粒如椒立夏節前種秋分熟莖名

黍稽可織席巴縣志蜀黍俗名蘆稜廣雅稱荻梁又名高粱米曰

秫米稽曰秫稽粒黃赤色味甘澁莖高丈許有節狀似蘆荻而

內實穗大如帚粒大如椒有黏不黏之別黏者米可作糕亦可

作酒不黏者造火酒最良其莖又可織箔席編籬拜泉縣志

糜 糜為黃黍係黍之不黏者說文為稌穀色有黃白赤黑四種

通藝錄 靺鞨土多稌隋書女真有稌明一統志稷一名稌又名粢碾米造

飯疏爽香美莖高三四尺葉似蘆粒色鮮紅味甘淡氣馨性微寒無毒芒種前後下種白露前後收穫縣拜志

黍 今呼為大黃米可釀酒作米粉通盛志京黍大黃米也可作餈亦

可為酒紀柳略邊黍葉肥有芒實黑者白米黃白赤者黃米黃

白米皆黏小滿種處暑後熟可飯可饊可釀酒呼府志蘭黍有數種

赤黍曰薺白黍曰芒黑黍曰秬一稔二米曰秠縣屬之黍苗似

稷而大赤白黑三色均有之又有微黃者惟黑黍一稔二米者

無之縣拜志

梁 禾米也文說靺鞨土宜梁隋書黑水靺鞨有粟麥唐書今以穀之最

細而圓者為粟考周禮九穀六穀之名有梁無粟則梁亦粟也

盛京通志

黑龍江志稿

卷十四 物產 植物

三

玉蜀黍 又名玉米幹葉似蜀黍而肥矮苗高三四尺穗如秕麥

苗心別出一苞苞上出鬚如紅絨垂垂子藏苞中顆顆攢簇如

芡實廣譜莖葉似蜀黍子藏包中俗呼包兒米盛京通志本草綱目

一名玉高粱俗名包米其苗似蜀黍而肥矮六七月開白花穗

若秕麥粒攢簇於包內之穰井然成行有黃白紅黑數種立夏

後下種白露後收穫粒半成時可煮食熟後碾米可作乾餈縣拜志

縣志土名棒子苞米莖葉似甘蔗穗生節間外有穗殼苞裏頂端

有紅色絲形花蕊外露如纓纓乾粒熟一苞二三百粒纍纍如

嵌珠因粒形色澤不一而區為黃苞米白苞米紅苞米馬齒苞

米等名可以燒酒磨麪炊粥為農家冬期之常食收穫之量愈

於稷秠縣綏志化

秠 稷之黏者有黃白二種所謂秠也秠為黏稷不黏者亦通呼為秠而他穀之黏者亦假借通稱之曰秠通吉林志黏蜀黍一種殼黃一種殼黑與蜀黍無異但性黏今稱為小黃米有赤白黃三色皆可釀酒熬糖作饅通盛京志

稻 渤海俗所貴者為盧城之稻唐書卽詩之秠有紅白二種通盛京志

秠未去糠曰稻稷稻秠稻秠皆未去糠之稱也既去糠則曰

粳米曰秠米曰秠米古謂黏者為稻通吉林志稻一名秠堪作飯作

粥南方以為常食北方以為佳品有水旱二類南方下濕宜水

稻北方澤土宜旱稻廣韻有龍爪糧葉與粒類穀子穗歧出米

性黏有粳稻水種者巴彥漂河東岸有之旱種者呼蘭河西岸

有之色味亞於奉吉產呼蘭志粳卽旱稻也湯原沿江一帶多有

黑龍江志稿

卷十四 物產 植物

四

種者其為食用不減二湖之稻湯原縣志

黏稻 卽粳米又稱大米性黏味甘香可釀酒亦可為糝糲糯

等食所用頗贍漚為米粉食品尤珍盛京志黏穀米糕也色黃如

玉味膩如脂頗香潔北方俗重跳神祭品此為上獻附錄

稗 混同江以北不種麥穀所種止稗子北會編宜下濕地米最甘

滑出黑龍江者良歲以充貢盛京志似禾而別於禾之穀莖勁穗

不下垂畧似粟但穀色近黑又一種名野稗亦曰水稗與黍別

一本數十莖莖淡紫色葉色深綠穗疏散大暑後穀熟光澤如

黍吉林志稗有二種一種黃白色一種紫黑色其莖葉畧似黍稷

性微寒無毒穀雨下種白露收穫拜泉縣志稗乃粟之別種葉形如

粟稗莖扁圓粒實似黍多稜角實殼厚軟有水旱二種水稗下

紅上綠旱稗上下綠色性喜濕最適低窪之地故沿河農家種者殊多去其實皮曰稗子米可炊飯磨麩藁可葺房飼畜立夏播種秋分成熟縣綏志化稗似黍似粟水旱種無不熟擣取米炊食之不減粟米縣湯志原

杭稗 多生亢地味甘滑如杭土人以為杭所化以黑龍江所產為佳通盛志京

脂麻 卽油麻俗呼芝麻通盛志京一名胡麻陶宏景曰胡麻八穀之中唯此為良純黑者名巨勝時珍曰古者中國只有大麻其實為蕢張騫得油麻種來故名胡麻有黑白赤三色取油和味白者勝服食黑者良通吉志林有胡麻莖高二三尺白花尖葉葉間節節有房一房十數粒粒小而圓黑色可壓油芒種下種秋分前

黑龍江志稿

卷十四 物產 植物

五

卽熟矣縣璦志瑋

豆 古謂之菽今分黑白黃褐青斑諸色通盛志京地宜豆黃豆質尤

佳府呼志蘭豆葉為三葉合成葉脈網形花有紫白兩色蝶形結成

莢每莢中藏實五六粒莢皮色澤不一粒實形狀各殊區為鐵角青成熟時莢皮黑色又有大白眉成熟時莢皮黃色粒圓大其效用可榨油商家名為油糧因含炭水化物脂肪量多可製腐俗名豆腐因含淡白質成分可造醬做豆豉及種種食物之用榨油製腐殘滓可飼家畜可作肥料莖名豆稽可為燃料立夏前種秋分成熟黑豆又名蜀豆莖葉花莢與黃豆無殊效用蒔期亦相同惟豆粒縮小實皮黑色耳縣綏志化

小豆 古謂之荅有綠赤白三種色赤粒小者入藥廣譜有鰲白

赤黃黑數種赤者入藥通盛京志小豆之色或紅或白或斑均無蔓

呼蘭志小豆莖葉似黃豆莖形纖細葉面光滑花形微小有紅紫

灰白等色莢角狹長每實數八九粒實形圓小色澤不同按其

色澤定其名稱故有紅小豆白小豆黎小豆花小豆之名立夏

播種秋分成熟湯原縣志

蠶豆 以蠶熟時有之故名蠶豆通盛京志一名胡豆廣濟縣志蠶豆又名

豎豆莖高尺餘無蔓葉狀如匙厚而柔面青背白花形似蝶白

質黑紋結莢上豎形狀如蠶故有蠶豆豎豆之名粒實扁圓而

大效用與小豆同惟成熟較早綏化縣志

豇豆 莢必雙生有紅白二種長而肥者充蔬皮薄者秋成食子

名打豆盛京通志顧時珍曰紅色者居多氣味甘鹹性平無毒其種

黑龍江志稿

卷十四 物產 植物

有二一長蔓一短蔓其葉本大末小花莢皆兩兩並垂嫩莢充

菜可食莢老採子拜泉縣志

綠豆 粒粗而深綠者為上粒潤而淡綠者次之通盛京志綠豆莖葉

纖細類似小豆結莢狹長莢皮多毛粒實圓小色為褐綠故名

綠豆其效用可磨豆麪製粉條又可漬水生芽以作蔬菜稽稈

可為燃料立夏前種秋分後熟綏化縣志

豌豆 葉嫩時可茹子如藥丸嫩可煮食老可炒食可作麪食餡

磨粉白而細膩廣濟縣志爾雅謂戎菽唐史謂畢豆遼史謂回鶻豆

嫩葉可食巴彥縣志葉為羽狀葉端有卷鬚基部有托葉甚大夏季

開小花如蝶形白色亦有淡紫色結實成莢長寸許子可食莖

葉嫩時亦可食謂之豌豆苗林甸縣志

藟豆 色有數種白者入藥盛京通志

刀豆 本草綱目釋名挾劍豆葉如豇豆而稍長花紅子淡紅色性溫味甘立夏布種蔓生結莢近尺許嫩時可煮食拜泉縣志

雲豆 種來自雲南故名俗呼六月鮮盛京通志莢長二寸許子大而

圓斑色俗呼家雀蛋吉林通志粒大而色紅色微黃者名金黃豆呼蘭志

府志又名四季豆花有紅白豆實亦赤斑各異嫩可為蔬極熟煮

以和飯並澆粉巴縣志

薏苡 今名草珠子米入藥曰薏仁盛京通志

蘇子 爾雅謂之桂荏有紫白二種收子可以榨油盛京通志子如粟

米可食亦可壓油今稱為蘇麻卽此物也吉林通志蘇子胡麻之別

種莖高一二尺白花尖葉葉間節節有房一房十數粒粒小而

黑龍江志稿

卷十四 物產 植物

七

圓黑色可壓油芒種下種秋分前熟新墾地多藝之呼蘭志緩化

農家所種者多白蘇莖高二三尺葉對卵形尖端有鋸齒其莖

淡青色白花蜃形實如芥子綏化縣志

麻 濊如種麻後漢書濊有麻三國志大麻卽今大麻有雌有雄雄者

為臬雌者為苴大科如油麻葉狹而長可取油燃燈剝其皮作

麻其楷白而有稜可為燭心本草綱目麻之屬有線麻春種者秋後

實實斑而圓可壓油夏種者剝以為繩種麻之法欲剝麻顆宜

密欲收實顆宜疏呼蘭志線麻一名大麻又名火麻莖高七八尺

葉形掌狀花色白微青雌雄異株雄者曰臬又曰牡麻花而不

實花後卽可刈而漚之取其纖維曰花麻又名水麻雌者曰子

麻又名苴麻花後結實至秋乃刈先收其子而後漚之取其纖

維曰線麻又名秋麻其子實曰麻子可榨油滓渣可作燃料

化綬

縣志

麻為九穀之一花細碎色微白雄麻五蕊雌麻一蕊青岡木

蘭綏化呼蘭等地所產最夥

採訪

植物 蔬屬

葱 海蘭路舊貢海葱 金史地理志 葱白露種次年五月食者名小葱

五月分小葱復栽之七八月食為大葱大葱遲至次年開凍發

芽者為楊芥葱乾葱則大葱也 呼蘭志 葱一名朶一名菜伯又名

和事草葱有數種曰山葱曰冬葱又名凍葱曰漢葱葉綠根白

子黑與韭菜子相類性平味辛無毒春夏秋均可種畱根過冬

來春復生苗長五六寸即可採食 拜泉縣志

韭 禮經名豐可以供祀宜土性鬆浮其發芄茂又山韭獨莖一

黑龍江志稿

卷十四 物產 植物

八

葉詩六月食鬱卽此爾雅謂之藿 盛京通志 山韭亦象家韭葉差狹

根宿地自生 爾雅疏釋草 本地有韭 呼蘭志 韭菜一年栽根年年取葉

可食季秋採花食之甚鮮 璦琿縣志 韭莖名韭白根名韭黃花名韭

青可醃作茹 湯原縣志

蒜 小蒜中國種也生田原間今呼小根菜大蒜來自西域今有

紫皮白皮二種 盛京通志 小蒜名小根菜每年開凍時百草未萌小

蒜先見青芽味辛而香 吉林外紀 有蒜紫皮蒜瓣小顆大白皮蒜瓣

多顆小紫皮者佳 呼蘭府志

薤 薤一名火葱根如小蒜一本數顆相依而生 廣譜 又有山薤

爾雅謂之勤莖葉與家薤相似而根差長葉差大 本草綱目 薤一名

晶子葉綠莖白味辛性溫三四月間有採食者 拜泉縣志

芥 有數種俗以大芥爲芋芥以馬芥爲癡芥白芥子入藥盛京通志

芥夏種食葉秋種根葉兼食之根似蔓菁微小可醃以爲菹呼蘭志

府志芥有花葉大葉之分花葉者細碎而疏惟根圓潤醃而爲菹

香脆適口大葉者葉極茂密惟根粗糙故欲食葉者則多種大

葉芥菜欲食根者則多種花葉芥菜望奎縣志

菘 俗呼白菜有二種肥厚嫩黃者爲黃芽白窄勁者爲箭桿白

盛京通志近有外洋白菜最肥大葉深青色脆美無滓吉林通志菘一名

白菜以其色青白也陸佃埤雅云菘性陵冬晚凋四時常見有

松之操故名菘味甘性和無毒菜中常食之品春種夏採食名

春白菜伏中種秋摘食名秋白菜藏窖中冬食如新摘者畱其

根來春栽之結子其功用生食熟食鹽淹水漬均可拜泉縣志

黑龍江志稿

卷十四 物產 植物

九

葵 說文葵菜也古人種爲常食有紫莖白莖二種以白莖爲勝

子如榆莢仁四時皆可種王楨農書其菜備四時之饌本豐耐

早味甘無毒蔬茹之要品也說文證勿吉菜則有葵魏書女真土產

葵菜明一統志葵菜古人常食故詩云烹葵及菽盛京通志

芹 水旱二種赤白二色盛京通志水芹生陂澤之涯旱芹生平地春

種夏食夏種秋食其葉對節而生其莖有節稜而中空根藏土

窖來春栽之拜泉縣志

莧 赤白二種皆可茹馬齒莧一名五行菜以其葉青梗赤花黃

根白子黑也盛京通志馬齒莧一名長壽菜野生苗可作蔬子可入

藥五六月採食拜泉縣志

菠薐菜 唐太宗時尼波羅國所獻今呼菠薐菜盛京通志菠薐菜春種者

爲春菠菜本年秋種次年秋間食者爲秋菠菜根紅葉綠結實如蒺藜性耐寒故宜於北方呼蘭志菠菜種出頗陵國葉綠莖空微紅味甘拜境菠菜有二種一種子如蒺藜一種子尖長無刺秋種冬枯來春復活且開花者不結子結子者無花其葉均相似用之作羹頗佳拜泉縣志

蘿蔔 爾雅曰葵蘆葩子入藥名萊菔又胡蘿蔔黃赤二種元時

始入中國盛京通志蘿蔔身圓而質重者爲大蘿蔔伏種秋收身長

汁多者爲小蘿蔔夏種秋收呼蘭志蘿蔔有紅色白色青色之分

青者宜生食紅者白者宜熟食體圓而重初伏日種秋後起出

農家旨蓄禦冬此爲大宗又有水蘿蔔春種夏食又有胡蘿蔔

春種秋收味甘而脆望奎縣志

黑龍江志稿

卷十四 物產 植物

擘藍 批藍南方謂之芥藍葉可擘食故北人謂之批藍盛京志擘

藍其根比芥頭稍大以醬醃之脆美異常葉可作菹或作乾菜

廣羣譜 撇蘭結實可斤餘其腴勝長安種絕域紀略甘藍西洋之原產

也有尋常甘藍有球莖甘藍有帶子甘藍有縮葉甘藍葉皆合

包春暖布子養苗移栽園圃秋季連根收之栽根結子與白菜

同法拜泉縣志

土豆 其形如芋鉅者類芋魁莖蔓生根下結豆夏種八月即可

掘食可禦冬可澆粉呼蘭志土豆一名馬鈴薯紅黃白三種邑多

白者類薯蕷蔓生根結實如芋而大立夏種八月掘食巴彥縣志

茄子 有海茄水茄旱茄之別色亦各異盛京通志茄子有紫茄黃茄

銀茄數種杜寶拾遺錄隋煬帝改茄爲崑崙紫瓜宗奭謂茄種

出新羅國秧尺許茄四五寸甘冷不可多食巴縣志

蒿苳 白者名白苳斷之有汁開黃花如苦蕒結子亦同宜生食

故名生菜色紫者名紫苳和土作器火煨如銅廣譜蒿苳有青

赤二色俗呼生菜盛京志

山藥 本名薯蕷亦可入藥盛京志山藥蔓最長呼蘭府志

苦蕒 卽詩之荼與芑也月令四月苦菜秀卽此葉似苦苳而細

斷之有白汁花黃似菊根葉皆可茹俗呼苗馬菜盛京志渠麻菜

生無常地常時多在旺地吉林外紀

蘆菱 種傳西域俗呼香菜盛京志漢張騫使西域攜歸因名胡菱

生熟皆可食巴縣志羅勒一名蘭香一名香菜又名云菱其葉面

綠裏微紫味辛香性溫耐寒經霜不萎有大葉小葉二種春夏

黑龍江志稿

卷十四 物產 植物

十一

秋皆可種春種者八月收子夏秋種者採苗而食或和生菜或

調羹湯無不香美拜泉縣志

茴香 本草作懷香又云內生蟲可治疝又小茴香西域種也本

草一名蒔蘿盛京志本地有茴香呼蘭府志茴香一名懷香生苗作叢

肥莖綠葉子如麥粒小茴香芳香不及茴香湯原縣志

秦椒 結椒長於棗而上銳生青熟紅味極辛土人多食之又一

種結椒向上者名天椒盛京志椒類柿者曰柿子椒類羊角者曰

長椒一挺數粒尾銳上向其細如棗者曰天椒天椒味最辛呼蘭志

府志

同蒿 形氣同於蒿亦可茹盛京志萹蒿今呼萹蒿菜吉林志同蒿菜

葉長多缺有尖色淡綠味甘辛春種與秋種均可採食拜泉縣志

蘆 苗青根嫩白老黃無實紫芽蘆芽如列指狀廣羣芳譜

蓼 辛菜說文蓼種類不一有紫蓼赤蓼青蓼香蓼水蓼木蓼馬

蓼之別禮記雞豚魚鼈皆實蓼於腹中而和羹膾蓋香蓼也今

人但取蓼子生芽亦可茹盛京志伽爾密蓼芽菜也烏喇地寒及

秋卽無生菜取蓼花子溼之覆以剉草置炕側燠蒸生芽如綫

色微紅其味辛辣扈錄

蕨 莖色青紫末如小兒拳盛京志蕨俗名吉祥菜產山中吉林外紀蕨

菜一名鼈爾雅云鼈厥也初生無葉狀如雀爪之拳嫩苗可食

老則成蒿拜泉縣志

藜 卽藿之紅心者莖長於藿可爲杖盛京志

薺 師曠云歲欲甘甘草先生薺是也開細白花結莢如小萍而

黑龍江志稿

卷十四 物產 植物

十一

有三角初生可茹詩其甘如薺卽此盛京志薺野生與南方薺菜

同呼蘭府志

灰藿 俗名灰條菜盛京志灰蓀爲蔬甚佳其子蒸曝取仁可炊飯

及磨粉食廣羣芳譜

蘑菇 諸山中皆有之大而黃者佳明一統志蘑菇種類不一生於榆

者爲榆蘑生於榛者爲榛蘑而榆肉生樹窟中味尤美卽古所

謂樹雞也舊志蘑菇有凍青羊肚蒿子雞腿銀盤粉子麀子等

名盛京志交烏郎麀子尾也菌屬巨木雨餘所蒸含苞而毳狀若

芝味甘膩扈錄麀子尾卽猴頭絕域紀蘑菇箇莫大於猴頭味莫

鮮於雞骹柳邊紀略蘑菇生於倒枯松上圓徑一二尺而色白者爲

松花蘑最不易獲紫色而散生者爲松散蘑斫伐椴樹俟三年

後枯朽而生者為黃蘑又名凍蘑色深黃生樺木上而有刺者
名刺蘑偶生者為對子蘑秋生者為花臉蘑特性寒不宜多食
耳東華輯要黃蘑產枯樹七月採可食榛蘑兩大之年六七月間遍
野可採或榛叢中尋之皆佳品也琿琿縣志湯原所產有花蘑榛蘑

等類湯原縣志

夸蘭蘑菇 生齊齊哈爾城東草地內七月入市夸蘭氈盧樅木
所立之周遭也木氣入土生蘑故名色白味腴食品所珍盛京通志

木耳 質厚味勝他產盛京通志枯柞經雨生木耳俗曰黑菜亦曰木

子魁略下紀木耳又名黑菜山內枯樹之木皆生木耳蓋亦菌類湯原

縣志

石耳 一名靈芝諸山中有之明一統志石耳生山石上味勝木耳盛京

黑龍江志稿

卷十四 物產 植物

十三

通志

黃花菜 一名金鍼菜歲與紅花菜並為賦盛京通志黃花菜野生葉

叢生而細初生俗稱黃花苗夏日莖莖頂開黃花三瓣每瓣雙
層一莖數朵先後續開鄉間多採蓄之晒乾出售為食品之珍

林甸縣志

紅花菜 卽山丹花東坡詩堂前種山丹錯落瑪瑙盤則今之捲

丹也盛京通志紅花菜一名紅百合根似百合小而瓣少莖亦短小

葉狹而尖開紅花六瓣不四垂亦結小子采其花附未開者陰

乾為蔬廣羣芳譜

甜漿菜 生野中葉長色白味甘盛京通志

酸漿菜 卽醋醋流莖葉俱似羊躑而小葉青黃色生啖極脆味

酸欲流兒童謂之醋醋流爾雅義疏釋草酸漿菜似羊躡而葉細酢可

食爾雅謂之殯蕪盛京通志

山兒菜 似菠薐而高大葉圓鮮可茹盛京通志

河白菜 生近水田間採食之盛京通志

杏葉菜 葉似杏歪脖菜似杏葉菜而大葉圓其梗至頂稍彎故

名皆山蔬之可食者吉林通志杏葉菜即桔梗苗又一種歪脖菜為

沙參苗盛京通志

山豇豆 葉闊於榆縷赤無齒其莖中空氣味頗似豇豆盛京通志

步連菜 生野中類苦菜葉微大莖如筋盛京通志

老鎗菜 一名俄羅斯松抽臺如蒿莖高二尺餘葉出層層刪之

其末層葉葉相抱如毬取次而舒已舒之葉老不堪食割毬烹

黑龍江志稿

卷十四 物產 植物 十四

之畧如安菘盛京通志幹葉苞聚春種夏秋食者為疙疸白菜俄種

也呼蘭府志

芋 味甘蒸煮任意土芋肉白皮黃以火灰煨熟食之尤甘美盛京志

通志

植物 草屬

靺鞨草 紅根草即靺鞨草葉瘦而長柔韌可為繩盛京通志臚佗姑

兒哈非烏拉草也塞路多石磧復易沮洳不可以履縫革為履

名烏拉烏拉堅足不可著澤有草柔細如絲摘而撻之實其中

草無名因用以名扈錄靺鞨草高約二尺餘莖細軟葉尖長為

纖維類本地勞働人民盡以靺鞨代履每逢冬間用此草絮置

其中赤足登之溫暖異常故靺鞨草之價值頗昂云慶城志烏拉

草產澤畔似茅而細根微赤農民冬令足著革履名烏拉取其
草衛足細軟溫暖耐冰雪本邑江灣產者尤佳巴縣志兀啦草葉
作三棱形根分青紅二色六七月間割至家曬乾冬季嚴寒極
而柔輒藉炕絮履奇溫並能去溼望縣志靴鞞草為關東特產諺
云關東有三寶人蔘貂皮靴鞞草探訪

蘆葦草 女真人斫蘆為席金史蘆一名萑詩八月萑葦一名葭詩

蒹葭蒼蒼注曰葦一物而三名也盛京志蘆葦生下溼陂澤中其

狀似細竹而葉抱莖生穗若茅花根若竹根而節疏闊九十月
刈之可以作房箔編籬之用拜泉縣志

淡巴菰 卽烟草冬可禦寒盛京志淡巴菰東三省俱產吉林外紀菸之

屬有片菸柳葉菸楸菸蝦蟆菸各種片菸葉長尺許寬七八寸

黑龍江志稿

卷十四 物產 植物

十五

柳葉菸葉類柳長七八寸寬半之味香而性緩皆關東佳品楸
菸蝦蟆菸葉圓厚而大香味俱不佳為下品清明前後種立秋
後穫分三次穫盡白花黑實實小如南方油菜子種煙須沃土
漫散而覆之壓以碎石瓦片四周以柳條圍之懼風也苗茁二
三寸乃分其秧藝之地中呼蘭志著名香菸出於四計屯並烏克

薩力等處瑗理縣志

塔子頭 窪地叢生其根裹土壅如小塔盛京志又可雕作木器廣羣

芳譜或名和尚頭苗長尺許若麥門冬草春綠夏青秋白冬則土
人以火燎之焦而黑矣根紫色細若綫糾細成團堅如木石大
者抱小者握自相聯絡參差立泥淖中馬行其上春夏最難一
失足陷隙際不能起秋冬冰堅則如陸地然和尚頭仍不與冰

等土人有取以為枕者

柳邊紀畧

草結則上水石也如畫家合解索

披麻皺而文細過之皆數千百草根團結成者蓋枯草芟後

其根水流一處日久凝結名曰草結即塔子頭也

竹葉雜記

塔頭

草闊葉無莖叢生窪地中凸起作塔形沮洳地之橋梁也可代

薪可和泥塗牆壁

呼蘭府志

綵麻

藏傳種麻養蠶作綿布

後漢書

女真國地饒山林田宜麻穀

契丹國志

綵麻土人需此治繩種之田中

盛京通志

大葉逕六七寸白露

時猶開黃花五出大如錢結實有房如蓮房大不及一寸房有

稜每稜中密布細子扁而黑亦可食其皮不及泉麻之堅韌今

俗為羸繩索多用之

吉林通志

綵麻實黑而扁可食其皮可為繩

呼蘭府志

苗麻白麻也商一作墳穀雨後播種葉圓大而綠開黃花結

黑龍江志稿

卷十四

物產

植物

十六

子黑色處暑後刈漚水中數十日撈出剝皮其莖輕白晒乾可

蘸硫黃作炸燈引火甚速每畝可得五六十觔用以綯繩織箔

為農家不可少之物價值亞於線麻

拜泉縣志

蓼藍

一名靛草為染布之用靛花入藥名青黛

盛京通志

藍之屬有

靛

呼蘭府志

藍俗名靛綠葉紅花子黑色清明後下種苗高二三尺

大暑開淡紅花刈取漚水中水變深綠取水入石灰製為靛可

以染青

拜泉縣志

馬蘭

似蒲而小花藍無香可染色根可為刷月令荔挺出即此

子入藥名蠶寶

盛京通志

馬蘭似蘭無香葉大於蘭生水濱原野亦

有

巴彥縣志

牛筋草一名千金草即馬蘭也莖弱韌拔之不易葉似

葦而柔開淡紅花亦有開紫花者取草曬乾可以製繩索

拜泉縣志

羊草 西北邊謂之羊鬚草生山原間長尺許莖末圓勁如松針

黝色油潤飼畜肥澤居人以七八月刈積之經冬不變通盛京志

草飼馬極肥澤勝豆麥遠甚前人以爲漢取大宛苜蓿種長安

離宮以飫天馬卽此草又名羊鬚草龍江紀畧羊草莖類麥挺有節

下密而上疏每節兩葉相對抱莖而上莖漸高葉亦漸張葉寬

二三分節密葉短節疏葉長飼馬肥澤多力六月刈而儲之供

終歲芻秣用七八月刈之冬時草色全黃不適用呼蘭志黑龍江

餵養牲畜多資羊草而產羊草最多之地曰草甸屯人刈而售

之得值與粗糧相埒不墾荒而有自然之利採訪

矧草 有木賊草俗曰矧草又曰接骨草中空多節無枝葉抽之

節節斷可磨治木器呼蘭志矧草節之長短皆同不蔓不枝似竹

黑龍江志稿

卷十四 物產 植物

十七

有芒采以攻玉

茅草卽章茅 章茅可苫屋盛京志有黃背草層層有節可代章茅

吉林志章茅一名小葉草俗謂之苦房草莖圓有節葉亦節節抱

莖而上柔韌耐霜雪凡草屋皆以此覆之呼蘭志

芸香草 葉類豌豆而細叢生可以辟蠹盛京志

如意草 一名箭頭草紫花莖實下垂似如意可療治風疾盛京志

油包草 亦曰韃子金莖圓而細叢生無葉供壓油包餅之用亦

可作繩呼蘭志油包草專爲油房榨油時包裹原料之用故以得

名攷此草之形狀與靺鞨草相似而莖葉之尖細綿柔過之人

民採置後整束成把掛於簷前令乾以待冬春兩季賣給榨油

商鋪其價頗昂云慶城縣志

艾 草之屬有艾呼蘭志字說云艾可久疾故字從久葉似蒿微白

端午節采之蓄以療病巴志艾莖葉青而微白高一二尺葉互

生為羽狀分裂皆生白毛甚密夏秋之交則開小花淡褐色結

實纍纍取葉乾後揉之則成艾絨醫者灼以治病謂之灸林志

畧

蒿 草之高者曰蒿有青黃二種詩小雅呦呦鹿鳴食野之蒿春

日采柳蒿芽食甚鮮滿洲謂之額穆毗或云即繁如詩國風于

以采繁是也巴志有水蒿碎而繩之可以引火呼蘭志蒿有白赤

黑之別白者味清香可食

狼尾草 以形相似而名盛志

扁担草 生田原間可飼馬盛志扁担草似黍葉稍窄有穗有粒

黑龍江志稿

卷十四 物產 植物

十八

生田間亦可飼馬吉林志

鹼草 與羊草相類莖較短葉較勁可飼牲畜呼蘭志

香草 草之屬有蕙即香草也呼蘭志香草蕙也有燕草薰草諸名

開花結莢秋後愈芬囊佩可防污穢巴志香草莖高尺餘花落

後結角寸餘中有子三四粒應時採取曬乾枝葉皆香研為末

置衣笥中其香經年不散望志

香蒲 蕩如笋可食茸入藥名蒲黃盛志香蒲生水濱葉二三尺

抽莖開花花抱莖端如杵俗謂蒲棒嫩根如筍詩唯筍及蒲巴志

縣志

菖蒲 生湖泊中俗呼臭蒲盛志

茜草 可染絳詩稱茹蘆即此盛志

莎草 莖宜簦笠根卽香附通盛京志

老少年 一名秋紅一名雁來紅春夏葉色青黃至秋則漸紅如

花土人謂之老來變又名十樣錦通盛京志

小青草 味苦田間以之充茗通盛京志

星星草 一曰猩猩草生山谷間通盛京志

貓兒眼草 葉紋如貓睛通盛京志

燈心草 卽水葱生水中如葱而長可爲席今但織作團扇曰蒲

扇通吉林志

荳蓉草 滿洲呼爲他四哈阿落莖如麻葉小而銳花如木棉結

實不可食食之令人狂走日屬錄從

含生草 出靺鞨國婦人難產口中含之立產鏡格源致

黑龍江志稿 卷十四 物產 植物 十九

萬年松 草也高不過六七寸冬不改色東華輯要

蒲 瀕水叢生枝葉如柳長不盈尋用以作箭不矯作而堅董澤

之蒲不及也日屬錄從

蓬 俗呼爲蓬子蒿通吉林志

芄蘭 蔓生葉綠而厚斷之有白汁子長數寸俗名雀瓢通盛京志

葛藤 蔓延山谷長至數丈南人以船載去治爲締絡土人但取

束物通盛京志

苻藻 葉圓紫赤莖如釵股藻葉大者曰馬藻葉細者曰水蘊土

人呼水蘊爲雜草冬取食之曰冬青菜通盛京志

蘋菰 蘋四葉相合中折十字浮生水面生陸地者則青蘋也菰

一名蔣俗呼菱草春生筍亦可茹莖中有兒背者曰菱瓜結實

曰菰米一云彫胡又一種曰萍浮生水面或云楊花所化紫背

者入藥

盛京通志

蒲公英 一名地丁本草云葉短小塌地質輕脆斷之有白汁如乳其花黃金色

菟絲 卽菟邱也莖長黃色葉小

萃鬢 形似馬鬃高尺許可取以爲帚

苻 葉大而圓卽鬼目也爾雅釋草注莖似葛葉圓而毛子如耳
璫赤色叢生江東人呼鬼目草黑河俗呼老羌竹

荃 荃也似蒿有香味

植物 木屬

松 山中最多種類不一土人以結子者爲菓松無子者爲沙松

黑龍江志稿

卷十四

物產

植物

二十一

脂多者爲油松

盛京通志

松入黑龍江歲久化爲青石號安石俗呼

木變石中爲磋可發箭鏃尙書砥礪砮丹魯語肅慎氏楛矢石
砮卽此將軍那啟泰嘗以製研不下墨鄂文端恭和御製瀛臺
木變石詩有濡水不沉火不然句得石性矣或言化石者非松
也小煖木也類松故從而松之

黑龍江外紀

青黑二山之松高十數

丈數人不能合抱其種類至繁依奇松棟梁材也歷久如新不
腐朽菓松次之黃松又次之沙松爲下松閱數百年則結松塔
青黑二山中松塔纍纍也

呼蘭府志

松有黃松一名樟子松經久不

彫其葉如針實甘香可食龍江右岸重山祕林松茂如蔴高及
十數丈幾人不能合抱者比比皆是

瑗縣志

赤白松

理細氣香木之貴者

盛京通志

赤白松鍼長一寸圍僅八九

寸材可爲棺佛龕神主尤宜東華輯要

黃蒿松 枝葉如蒿不多見又有刺兒松其松多刺盛京通志黃樺松

直幹參天圍合四尺針則寸餘至冬則彫材可爲棺刮去皮紋

理斑爛紅黃相間東華輯要

依奇松 質瘦勁少枝葉色青如松土人不知何名因所生地爲

依奇甸子故呼爲依奇松伐爲材木性燥易裂入土則裂縫復

合堅如石製爲葬具不亞於杉盛京通志

樺 室韋傳用樺皮著屋北史樺樹皮似山桃有花紋紫黑色可裹

弓及鞍鐙諸物諸山中皆有之而嫩江混同江之間尤多又黑

龍江樺皮船僅受一二人攜以入水遊行便捷盛京通志醬瓣樺者

謂樺皮斑文色殷紫如醬中豆瓣也金史契丹國弓以皮爲弦箭

黑龍江志稿

卷十四 物產 植物

二十一

削樺爲斡契丹志吉林各處有以樺皮作船大者能容數人小者

挾之而行遇水輒渡遊行便捷又以樺皮蓋窩棚並有剝薄皮

綴綴爲油布單大雨不濡吉林外紀樺木遍山皆是狀類白楊春夏

間剝其皮入污泥中謂之糟糟數日乃出而曝之地白而花成

形者貴拉發北數十里特設樺木廠有章京有筆帖式有打樺

人每歲打樺皮入內務府遼東樺皮遂有市於京師柳邊紀略山谷

多樺木土人以爲箭筈爲鞍板爲刀柄皮以貼弓爲車蓋爲穹

廬爲札哈縫之爲栲栳大担水小盛米麪謂之樺皮斗俄羅斯

亦有之極小雕鏤精巧宜貯檳榔鼻煙號老羌斗黑龍江外紀樺木

最多按玉篇樺木皮可爲燭莊子原憲華冠縱履司馬相如上

林賦華楓枰櫨師古注華卽今樺皮可貼弓或作樓爾雅釋木

樓落註可為杯器邢疏樓一名落素謂樸也索倫鄂倫春各戶

均取其皮以為屋取其材以為器焉西布特略宋洪皓使金寫四

書於樺葉授弟子此樺葉見用於古人者邑產二種香樺皮柔

堅可貼弓縫篋可作輞巴彥縣志樺有黑白二種白者曰香樺黑者

曰臭樺白者皮厚而光取其皮可以引火雖新剝亦燃又可製

為筐篋水桶等物其材脆弱祇供燒炭而已黑者皮皴而材甚

堅可作犁具及各項農器之用望奎縣志樺一名檜顧時珍曰畫工

以皮燒煙薰紙作古畫故名檜俗作樺縣屬所產之樺最良木

理細膩而堅密皮厚而輕虛拜泉縣志

榆 鴨子河灤在長春州東北四面皆沙塢多榆柳杏林遼史榆之

類不一刺榆花榆尤佳刺榆大者中為車軸一名軸榆唐風所

黑龍江志稿

卷十四 物產 植物

二十二

謂山有樞卽此花榆理細宜為几案凡榆臃腫處花紋尤勝可

飾器用人多珍之小刺榆葉初生鮮可茹抽條長丈餘質細而

堅槍桿多用之盛京通志女真食生狗血毛以蕪荑北盟會編爾雅蕪荑

郭注姑榆也剝取皮合漬之其味辛香所謂蕪荑蕪荑用山榆

莢作醬食之爾雅義疏梗山粉榆有束莢可為蕪荑也說文齊民要術按

分枯榆刺蕪荑山榆為三云刺榆山榆甚堅韌也榆幹高五六丈皮

褐色多裂紋葉為橢圓形有鋸齒色淡紫結實點綴成串俗謂

之榆錢木質堅固可製器皿綏化縣志

柳 栝捲之屬多用之直長者採取入貢備帳房之用赤莖生河

畔者曰檉另一種曰花柜柳質堅緻可為鎗竿蠟蟲食之一名

蠟條盛京通志柳烏舍寨枕混同江湄寨前高岸有柳樹奉使行錄木

之屬多柳紅柳可編筐蒿柳可飼蠶灰柳青柳可爲籬落郡低窪地多種柳叢生直上其高隱人名曰柳條澗閱歲而刈之強半供炊爨之用又有垂柳呼府志柳產山者多青柳黑柳產水濱者多河條卽爾雅所謂檉也又柳條叢生丈許可製箕蓆俗名菠箕柳巴縣志柳葉狹長花深紫成穗狀實熟則絮飛散如雪又有幹高二三尺俗呼謂旱柳多生於窪地林略

楊 楊類不一青楊葉大而圓其材可爲箭杆白楊葉微小皮白宜爲箭桿又一種生於澤者多合抱剝爲槽盆性不燥裂黃楊木堅難長大山間有之盛京志木屬有楊青楊理細而堅白楊理粗而脆青楊產於石山白楊產於原野又有一種曰垂楊呼府志

楊有榛材變者榛莖經野火燒過二三次悉變爲楊望縣志楊葉

黑龍江志稿

卷十四 物產 植物

二十二

圓如梨樹其幹堅直可爲樑柱若火燒榛木所化之楊葉小而薄色微紫不可移栽未有成大材者拜泉縣志

桑 遼川無桑慕容廆通於晉求種江南始得後燕錄本地桑類甚多特養蠶者少皮可入藥曰桑白皮盛京志木屬有桑土桑葉細而薄白山東移植者葉大而厚飼蠶宜山東種呼府志

糜 山桑中爲弓材及車轆亦可飼蠶盛京志

柞 一名鑿子木高大堅實中爲車材皮黃充貢可染色木心黃朽者可爲火絨黑龍江貢木火絨卽此盛京志木屬多柞其葉可

飼蠶其實可養豕其蒂與葉可染皂其材堅韌可爲車材犁具呼府志柞詩小雅維柞之枝堅韌可爲輅實名橡子蒂名橡碗可

染皂一名柞詩唐風集於苞柞巴縣志柞卽櫟樹也土人均伐此

燒炭

湯原縣志

榭 似柞而小葉闊七八寸新葉生舊葉始脫俗名波羅烘子其葉可餌蠶呼蘭志榭實如橡而小葉大如掌霜後色丹經冬不彫新葉生舊葉始脫可飼山蠶俗名波羅烘子巴縣志榭嫩時採取其葉攤麪其上合而蒸食其味清香謂之波羅葉餅

槐 爾雅疏葉大而黑者名檉槐晝合夜開者名守宮槐細而青綠者但謂之槐今山中皆有之花入藥未開者名槐子可染色

盛京通志木屬有槐呼蘭志槐質堅良作柱不朽巴縣志

楸 類核桃樹其木可為鎗桿及船槳皮堅韌亦可束物盛京通志楸

木之早凋者質堅紋細製棹几佳巴縣志木之屬有楸可製器其

實大如雞卵俗呼為山核桃呼蘭志

黑龍江志稿

卷十四 物產 植物

二十四

椴 葉大黑皮紋細微赤者曰紫椴人淺多生於下質白者曰糠

椴其皮可製繩引火鎗軍中需之盛京通志椴類銀杏可為器其皮

可代瓦浸水久之可製索綯柳邊紀略高麗采淺贊云三椴五葉背

陽向陰欲來求我椴樹相尋椴音賈葉似桐池北偶談又有一種白

椴木葉大如團扇初生時可蒸冷淘霜後則鮮赤如楓其皮可

治繩為魚網之用烏喇網大魚常用之隨地變恩紀椴木爾雅謂之椴

椴皮製繩質輕紋細鐫書板佳巴縣志

楛 說文楛木也閻若璩曰國語肅慎氏貢楛矢其地即今甯古

塔詢其風土云西南去六百里曰長白山山巔之陰及黑松林

遍生楛木取以為矢質堅而直不為燥濕所移說文義證鞞鞞傳有

角弓矢及楛矢唐書楛一名雉尾荆色赤中為矢世傳肅慎氏

楛矢卽此通盛京志

黃櫨 皮厚多斑裂呼蘭志櫨堅如槐外皮皴裂內皮色黃可染色

俗名黃波羅巴縣志

瑟木 類赤榆叩之鏗然有聲性堅緻宜作車轂呼蘭志瑟木最堅

類南產赤榆作轂堪任重巴縣志

老鸛眼 一名鼠李木堅緻有花紋子赤黑如鴉眼皮可染色盛京

通志老栝眼皮毛作綠色染料也呼蘭志

報馬子 類楸粗不盈尺性最堅可代鐵釘呼蘭志報馬子似楸極

堅韌削銳如鐵釘粗不盈拱產石山者尤佳巴縣志

柏 多生於西北邊外柏葉柏仁皆入藥盛京志

檀 色紫赤紋細潤中車轅及箭筈其交枝處花紋尤細可爲小

黑龍江志稿

卷十四 物產 植物

二十五

刀柄盛京志

椿 葉香可噉者曰香椿盛京志

檉柳 爾雅榎柎柳柎柳卽檉柳聲又轉爲柎柳爾雅疏釋木義檉樹高

舉如柳今呼柎柳大者可剝爲舟根可爲匏頭盛京志

杜 一名甘棠移接梨樹結實甚佳盛京志

香樹 莖直花黃土人取作香焚以祭神生近山石崖者有節名

竹節香根作箭匏頭極佳不可多得盛京志安春香生山巖潔淨

處高一尺許葉似柳葉而小味香可供祭祀俗呼爲安息香吉林

外紀

暖木 或云卽黃蘗木皮溫厚可墊鏡心及包工鞞細者中爲鞭

桿又烏拉出小暖木形類杉松木質尤堅入水年久化爲安石

可充砥礪之用盛京志暖木或云卽藥木皮溫厚可包弓靴及爲

鞭桿湯原縣志

棘 一名膩有赤白二種結子者名酸棗仁可入藥不結子者爲

牛棘俗呼棗刺科盛京志

楓 雞林哈答至秋深楓葉萬樹紅映滿江吉林志

樗 似椿而葉臭土人呼爲臭椿盛京志

櫟 爾雅栩杼郭注柞樹陸璣疏云今柞櫟也徐州人謂櫟爲杼或謂之栩其子爲阜或言阜斗其殼爲汁可以染阜杼或作茅

司馬彪注莊子茅椽子也杼又名采徐廣注史記李斯傳采一

名櫟爾雅釋木櫟亦柞類一名栩質堅土人多以燒炭實名椽子

蒂曰椽椽可染阜盛京志山多櫟柞櫟之小者名波羅木五月土

黑龍江志稿 卷十四 物產 植物 二十六

人摘其葉裹糲柳邊紀略

柎 爾雅謂之櫪皮理糾結質最堅俗呼紐筋子木大者可爲車

軸盛京志

栲 似樗而葉差狹爾雅注謂卽山樗盛京志

械 亦栩類不結實俗呼薄羅樹俗以五月五日取葉裹麪蒸食

之謂之薄羅餅盛京志

棟 赤者葉細中爲車輞白者葉圓木理堅緻亦中木椀刀柄之

用盛京志

青剛柳 山中皆有之亦柞類材中爲弓盛京志

阜莢樹 刺長皮潤結角如猪牙者入藥長而肥厚者多脂長而

瘦薄者枯燥子黑盛京志

茶條 質堅可爲杖染早勝於橡斗通盛京志

漆樹 似小松樹而大六月中取汁漆物器若黃金其光奪日皮

白葉似椿花似槐木心黃深山有之通盛京志

荆條 一云牡荆成叢疏爽故名楚一種葉圓花紫枝柔細可

爲筐篋一種粗勁者名鐵荆條根可爲匏頭通盛京志

亮木 卽夜光木古木根莖所化夜視有光遇雨益明移置室中

卽可燭物山中往往有之通盛京志夜光木積歲而朽月黑有光遇

雨益明移置室內通體皆明白如螢火迫之可以燭物以素甕

貯水投之火光澄澈殆夜光苔放光木之類歟小塞北鈔

明開夜合木 一名金銀柳結子如花至冬不凋木理細潤通盛京志

山藤 木之類枝柔韌中爲鞭桿通盛京志

黑龍江志稿 卷十四 物產 植物 二十七

杜仲 山中有之皮薄不堪入藥通盛京志

凍青 寄生樹上葉微圓子赤凌冬不凋青葱可愛通盛京志

雜常 肅慎氏有樹名雜常其木生皮可衣晉書雜常皮可爲衣山

海經作雄常通盛京志

金桃 清內府纏矢用金桃皮皮出齊齊哈爾城東諸山樹高二

三尺皮赤黑而裏如泥金故名金桃皮其實不結桃也清時歲

折其枝入貢探訪

銀木 明一統志載有此木通盛京志

白椴 爾雅謂之椴木高五六尺堅緻可爲杖其果紅色核麻而

扁仁入藥名蕤仁通盛京志

榛拾木 有紋縷可愛多用爲椀松紀 漢聞

六稜木 枝幹皆六稜最堅實盛京通志

東瓜木 似柎柳皮青質堅材可為棺亦可作硯質輕易攜能下

墨吉林通志

雞舌木 黃黑相半金時刀柄最尚之金史

黃玻璃樹 皮韌而柔按以指深陷指起仍凸舟篙上端恆用之

拄胸不傷呼蘭府志

瑞樹 自頂至根合十餘丈大數百圍上分十二大枝莖葉各異

具松檜白楊遮勒穆期紫樺白樺密克特白榆八種之形似其

上生靈芝皇朝通考

植物花屬

芍藥花 金太祖十四年生紅芍藥花北方以為瑞女真地向多

黑龍江志稿

卷十四 物產 植物

二十八

白芍藥花皆野生絕無紅者好事之家採其芽為菜以麪煎之

凡待賓齋素則用之金人珍惜不肯妄設遇大賓縷切數絲置

碟中以為異品大金志芍藥又名將離韓詩外傳芍藥離草也有

赤白二種五月開花狀如牡丹秋採根曝乾入藥巴縣志芍藥有

紅白二種未開墜之先所在皆有花大如拳枝長尺餘惟花瓣

稀疏不如家植者之碩大望縣志芍藥均白色而無紅者湯原縣志

牡丹花 渤海富室往往為園池植牡丹多至二三百本有叢生

數十幹者皆燕地所無契丹志牡丹紅黃俱有盛京通志

長春花 奉天吉林黑龍江皆產之柔條紛披黃花爛熳逐時開

花盛京通志

玫瑰花 紅者可入食品黃者花微小俗通呼刺玫瑰開者花皆

單瓣色紅子赤名山刺玫通盛京志湯原各河所產亦富五月間始

開花香聞數里湯原縣志

月季花 亦曰月月紅又有十姊妹一枝數朵相簇通吉林志花之屬

有月季呼蘭府志

薔薇花 有紅白二種通盛京志

牽牛花 蔓生花色不一俗呼喇叭花子入藥通盛京志有牽牛俗名

打碗花微紅淺碧蔓生籬落間結子為黑丑白丑呼蘭府志牽牛花

蔓生倚於籬落間夏秋之交花開繁盛一日即謝次日另開他

蕊繼續開之月餘不斷望奎縣志

海棠花 入秋始花色亦嬌豔通盛京志花之屬有海棠呼蘭府志海棠幹

短葉疏花著於頂有紅黃紫白各色易於栽植折枝插濕土中

黑龍江志稿

卷十四 物產 植物

二十九

無不活者望奎縣志

杏花 春夏之交開如錦繡通盛京志

木槿花 朝開暮斂即詩之舜華通盛京志

韃子香花 先花後葉衝寒吐芳產石山狀似桂有異香呼蘭府志

子香寒地花遲清明前唯此先放香氣襲人花落生葉樹如桂

產石山邑內雙了山上多巴縣志

江西臘 花似菊色亦不一枝頗搖曳通盛京志七月開閱三四月不

謝其狀似菊色亦不一呼蘭府志羌斯喇有紅紫黃白數色傲霜似

菊巴縣志

蒿苳蓮 卽罌粟六月始花高尺許葉如蒿苳生黑龍江者單瓣

微紅中土人攜千層五色種布輒變又名生菜蓮花有紅有白

子可入藥 盛京通志

棠梨花 黑龍江郊圃間皆有之土人繫繒條於上曰神所憑伏

臘祠之有戕其枝者則怒不知何所取義 盛京通志

向日蓮 獨莖頂作黃花大如碗向日而轉亦名葵花又一種曰

秋葵 盛京通志 葵幹高四五尺葉大如扇花著於頂其大如盤經月

不彫 望奎縣志 葵花一名露葵又名滑菜莖葉俱綠花黃子白微有

黑紋炒熟去皮食之味香美苗高五六尺又一種結子黑色煮

汁染衣名五倍子 拜泉縣志

冰了花 春凍初解此花先放花大如錢黃色葉類蒿莖柔生山

野間 呼蘭府志

鳳仙花 俗呼指甲草性能透骨子入藥 盛京通志 鳳仙有紅白二色

黑龍江志稿 卷十四 物產 植物 三十

春種夏開花葉繁茂續開續落至秋始已有幹短而朵大者粉

紅色俗名佛頂珠 望奎縣志

雞冠花 形如雞冠有黃紅白數種 盛京通志 花之屬有雞冠 呼蘭府志 雞

冠花以形名紫紅黃白四種夏種秋開經霜不謝叢子入藥 巴彥縣志

縣志

金盞花 黃花如盞秋深猶茂 盛京通志 金盞子狀亦類菊花作金色

花瓣邊高而內低如盞形故名經秋愈盛 望奎縣志 金盞草一名杏

葉草一名長春草苗高一二尺葉厚而狹抱莖而生莖頭開花

大如指作金黃花 拜泉縣志

玉簪花 一名白鶴仙未開時如白玉搔頭黃紫者差小亦名玉

簪 盛京通志 玉簪花紫色搗爛取汁服之解百毒 拜泉縣志

刺靡花 叢生多刺狀如玫瑰夏開紫花秋結紅果大如桐子產

山野間呼蘭府志幹木質有刺花深紅色有異香花落結實如紅豆

謂之刺靡果望奎縣志

山丹花 紅花六瓣一名紅百合其附未開者乾之即紅花菜盛京

通志山丹葉似柳莖尺許五月開花若胭脂如蒜大名百合可食

巴彥縣志

丁香花 紫白二色生山原者名野丁香盛京通志丁香木本植物葉

長橢圓形春開紫花或白花四瓣子黑色可為香料林甸縣志

凌霄花 俗名黍稽長三四尺節節開花分紅白黑藍紫各色呼蘭

府志凌霄花俗名高粱菊節節開花又名步步登高有紫紅黃白

粉紅等色望奎縣志

黑龍江志稿

卷十四 物產 植物

三十一

素馨花 本出福建有黃白二色白者團而小香勝茉莉盛京通志

紅蓼花 生水澤間呼蘭府志紅蓼生澤旁又名水紅巴彥縣志

萱花 護草花一名鹿葱喜生陰地花六出四垂乾則為金針菜

盛京通志萱花又名宜男六七月抽莖開花六出四垂紅黃紫三色

採而曝乾名黃花菜巴彥縣志

蘭花 葉如韭花粉紅色叢生莖中盛京通志蘭草本葉細而尖長尺

許有平行脈由根叢生夏日開花一莖一花又有一種野生者

俗呼謂馬蘭葉細長堅韌可用以束物夏日開花淡紫色香遜

於蘭林甸縣志

荷花 詩謂之菡萏爾雅謂之芙渠今名蓮花有紅白二色盛京通志

荷花僅有紅之一種六七月間盛開湯原縣志

串枝蓮花 一名牽枝牡丹花粉紅色蔓生盛京通志

菊花 禮記季秋之月菊有黃華奉天地寒諸花皆後時唯菊開

應節黑龍江菊花五月茁枝瘦弱八月移盆入室臨南窗下十

月花大如錢盛京通志菊花種類不及南地之多亦畏霜五月茁枝

八月移盆入室秋未開有白銀針金龍爪數種巴縣志菊花名節

華秋菊夏菊皆供玩賞又有野菊一名苦蕒野生葉薄小而尖

花小而蕊多天產之物不甚繁茂拜泉縣志

高麗菊 原產朝鮮枝葉類萬年菊單瓣色黃赤相間如虎皮盛京志

通志

萬年菊 花葉類草芙蓉色黃枝柔蒙密延蔓一本可百餘花或

曰卽層瓣高麗菊也盛京通志

黑龍江志稿 卷十四 物產 植物 三十二

草茉莉 朝暮開日午斂呼蘭府志

草芙蓉 不知何以名葉細如阜莢花黃同菊瓣高者亭亭二尺

許盛京通志

金雀花 形如小雀色黃盛京通志

藍雀花 其花如雀有身有翼有尾有黃心如兩目或云卽茱萸

花廣輿譜

雀兒花 黑龍江諸境有之色翡翠似鴛鴦菊而單蒂跗橫枝上

如鳥之翔盛京通志

龍頭花 色不一狀似龍頭有口可開合一本輒數十花極濃豔

黑龍江外紀

夾竹桃 有紅白紫三種夏秋間開謝相續重瓣者尤佳黑龍江外紀

桃花 有紅白粉紅諸色又有一種曰碧桃盛京志

日奇花 類蝴蝶花而小一莖十數花辰收申放數必奇故名葉

如萱黑龍江出盛京志

閃緞花 以色名似龍爪而小似山丹而曲盛京志

扁竹蘭 花形三角卽射干花盛京志

地檀花 杏黃色大如粉團花盛京志

曼陀羅花 如牽牛花而大子如茄盛京志

翦秋羅 有紅黃諸色四圍參差如翦盛京志

醉八仙 紫如丁香盛京志

百日紅 木本花如丁香又一種曰干日紅草本久而不萎盛京志

捲丹花 六出四垂大如山丹先結子枝葉間入秋開花於頂根

黑龍江志稿 卷十四 物產 植物 三十三

如百合可充蔬盛京志

金錢花 色紫而圓落必以夜盛京志 旋覆花本草綱目一名全沸

草又名金錢花花最繁茂圓而覆下故名旋覆拜泉縣志

翠蛾眉 隨日側映鮮妍有致盛京志

玻璃翠 俄羅斯種葉青翠花如秋海棠今江省亦產之採訪

凍青花 葉如柳而圓新葉生舊葉始脫花紫色冬含蓓蕾春夏

方開盛京志

繡球花 叢生如球盛京志

石竹花 枝如竹花色不一子入藥名藎麥盛京志

垂絲海棠 有絲下垂一種曰貼根植者甚稀盛京志

荷包牡丹 亦海棠類也花形似荷包鬚亦如穗盛京志

迎春花 經春即開又有探春春過始開 盛京志

榆梅花 幹高二尺餘葉似榆夏日開小花色深紅 林略縣志

石榴花 有紅白黃三種不結果者名番花 盛京志

刺梅花 花小葉疏

藤蘿花 蔓生木本植物莖細有刺繞附他物長數尺 林略縣志

捲簾花 莖高盈尺葉細花紅色六瓣瓣下捲故名捲簾又名燈

籠花

耗子花 紫金色開最早以形似鼠得名

蝴蝶花 五色燦爛以形得名

靛鞞花 紅白二色

馬纓花 花如絨一名合歡其葉晝舒夜捲 盛京志

黑龍江志稿 卷十四 物產 植物 三十四

蔦蘿花 蔓生葉如藻花紫紅色 盛京志

西番蓮 色不一多金黃色葉大如錢如荷狀莖長臨風輒舞 黑龍

江紀

山胭脂花 有紅黃紫白諸色又名粉團花俗呼茱萸花 盛京志

仙人掌花 其色葱白出於掌邊次第開放異常鮮艷倉西公園

又有仙球如瓜有輪開白花於輪隙間 探訪

植物 藥屬

人參 春秋運斗樞云搖光散而為人參今盛京東北大山及甯

古塔黑龍江界內實生人參歲奉官票採取凡初夏得者曰芽

參花時得者曰朵子參霜後得者曰黃草參參鬚參葉參子參

膏無不珍之高麗人參贊曰三極五葉背陽向陰所來求我檄

樹相尋頗得其形似

盛京志通

女真地饒山林土產人薺

契丹志

人薺

春中生苗多在深山背陰椴漆樹下潤溼處初生小者三四寸許一極五葉四五年後兩極五葉至十年後生三極年深者生四極各五葉中心生一莖俗名百尺杵三四月開花細小如粟蕊如絲紫白色秋後結子或七八枚如大豆生青熟紅自落

履從

錄日

人薺草本方梗對節節生葉葉似秋海棠生深山草叢中較

他草高尺許生者色白蒸熟輒帶紅色紅而明亮者其精神足為第一等今之醫家俱以白色者為貴大謬凡掘薺者一日所得晚即蒸次晨晒於日中乾後有大小紅白不同非地產之異故土人貴紅賤白薺鬚薺葉薺子無不珍之蒸薺之水復以薺梗葉同煎收膏

甯古塔

人薺秋冬採者堅實春夏間採者虛軟

黑龍江志稿

卷十四

物產

植物

三十五

故今採者多在七八月採者多山東西人其死於饑寒者不知凡幾各分走叢木中尋薺子及葉其草一莖直上光與曉日相映則跪而創取其根洗剔煮之貫以縷懸木乾之關東人呼薺曰貨又曰根子肉紅而大者曰紅根半皮半肉者曰糙重空皮曰泡視泡之多寡定貨之成色足色者斤售銀十五兩八九色斤售銀十二三兩六七色斤售十兩對中者六七兩泡三兩若一枝重一兩以上則價倍一枝重斤以上價十倍成人形者則無定價矣產薺之地設官督丁每歲以時搜採俱有定所定額核其多寡而賞罰之或特遣大員監督甚重其事至王公宗室亦各按旗分地令其搜採甲子乙丑以後烏拉甯古塔一帶採已盡八旗分地徒有空名走山者非東行數千里入黑斤阿機

界中或烏蘇里江外不可得矣柳邊紀略人澆二極者俗呼爲二甲

子三極者爲燈臺子挖澆皆以木刷忌見鐵採得者以松櫪皮

和土裹之其精液竭者謂之啞叭澆不值價又有海貨蹲樹秧

移諸名大概皆移種而成者然亦須俟五六十年後始取之其

六七年取者爲秧子澆品最遜矣東華輯要齊齊哈爾東北山中亦

產人澆以路隔紅眼哈坍人不敢過紅眼哈坍淤泥地也人行

輒陷萬無生理野鳥亦不敢落昔年有盜採者紅眼哈坍既凍

去將化乃還率以俄倫春爲前導否則路徑易迷虎狼害尤不

測黑龍江外紀人澆乾隆三十五年放蒙古爾山人澆票五百三十

九張一票一人人交澆五錢計歲交澆二百六十九兩五錢厥

後蒙古爾山南北次第開放墾爲熟地無澆可採惟木蘭所屬

黑龍江志稿

卷十四 物產 植物

三十六

之青山玉皇閣山有之澆背陽向陰初生時一極五葉極多者

歷年多產石壁中尤佳呼蘭府志人澆庫瑪爾河一帶山中所產刷

澆以木忌用鐵瑗縣志

黃蒼 味甘性微溫無毒葉似槐而微尖開黃花結角長寸許採

根陰乾治諸虛百症拜泉縣志黃蒼山內所產最富且甚佳惜無專

採之人惟山內採木者閒則挖抉數百觔由木排運下出售湯原

縣志

防風 黑龍江諸境亦產盛京通志防風莖葉似蒿長尺許產石山者

尤佳巴彥縣志防風初發嫩葉紫紅色五月開細白花五瓣根土黃

色二月十月採之林甸縣志防風花白結黑子秋後採根治一切

風症拜境所在多有其無防風者水性惡劣拜泉縣志

黃芩 有條芩有枯芩吉林黑龍江諸處皆產焉盛京通志黃芩黃芪

二種每年約產二萬餘觔西布特哈志黃芩莖高二尺餘葉箭簇形

夏日開花成穗有紫白等色根長四五寸色深黃曝乾入藥其

宿根外黃內黑者曰片芩新根內黃者曰條芩林甸縣志

蒼朮 出廣甯者佳苗曰鎗頭菜盛京通志蒼朮一名山精生山谷俗

呼鎗頭菜巴彥縣志苗高二三尺其葉抱莖而生根如老薑蒼黑色

採根陰乾治風寒濕痺止汗除熱功用最多拜泉縣志

紫草 根花俱紫可以染山產粗而色紫入藥園產細而色鮮只

可染物盛京通志

赤芍 卽芍藥根吉林黑龍江所產較勝他處亦有白者名白芍

盛京通志藥屬有赤芍白芍慶成縣志有赤芍望奎縣志

黑龍江志稿

卷十四 物產 植物

三十七

茯苓 生松下抱木者爲茯神凡大山中多老松茯苓茯神皆有

之盛京通志

甘草 邊外生者勝盛京通志甘草葉爲羽狀複葉夏日開淡紅花花

冠如碟形簇聚成穗其地下莖及根皆入藥以味甜故名林甸縣志

略

桔梗 古名薺芑卽杏葉菜苗曰明葉菜根爲甜桔梗盛京通志藥之

屬有桔梗呼蘭府志桔梗苗高尺餘葉似杏四葉相對而生花紫色

八月採根陰乾治胸脇疼腹滿腸鳴利五臟去陽明邪熱拜泉縣志

車前 詩名芣苢好生道旁布葉如輪俗呼車輪菜抽穗結子卽

車前子盛京通志車前一名當道好生道旁及牛馬跡中故又名馬

烏牛遺苗葉布地穗如鼠尾花細密實似葶藶而黑拜泉縣志

貝母 花白葉似韭一名苧詩言采其苧卽此通盛京志藥之屬有貝

母呼蘭志貝母俗名燈籠花根一作蠻形似也爾雅謂之苧巴志

升麻 裏白外黑者曰鬼臉升麻別有一種曰綠升麻通盛京志升麻

俗名和尚頭夏開白花根如蒿多鬚性上升葉似麻巴志

木賊 與麻黃同形諸山中多有之通盛京志木賊槎木如錯猶言木

之賊也俗名錯草幹尺許寸寸有節無花葉叢生巴志

貫衆 葉圓碎一枝而衆葉貫之又名鳳尾草入藥用根通盛京志貢

產有貫衆菜雜竹葉亭記貫衆俗呼廣東菜根一本而衆枝貫之莖

三稜葉似雞翎又名鳳尾草巴志

荆芥 有二種圓穗者荆芥扁穗者假蘇處處叢生通盛京志荆芥俗

名野蘇子葉如鼠耳又名鼠蕒巴志

黑龍江志稿

卷十四 物產 植物

三十八

茵陳 因宿根而生故名通盛京志茵陳蒿類因舊根而生幹如竹年

久尤堅俗呼鐵桿蒿巴志

地榆 葉似榆而長花可染色生於平原曠野通盛京志地榆宿根野

生三月生苗覆地獨莖直上高三四尺葉似榆而狹長有鋸齒

形七月開花紫黑其根外黑裏紅八月採根陰乾治吐血衄血

下血血痢等症野產頗多拜泉志

篇蓄 赤莖節好生道旁爾雅謂之竹俗呼猪牙草通盛京志篇蓄形

扁節間蓄粉苗類瞿麥葉綠莖赤節間開細花五月採莖葉陰

乾治疥疽痔殺三蟲拜泉志

卷柏 石花生石崖上如兒拳外白內綠遇雨則開形同柏葉採

置水中經月如新卽卷柏也通盛京志卷柏一名長生草俗呼石花

宿根石上苗似柏而細拳攣如雞足三四寸山上有之巴縣志

藜蘆 苗類山葱俗呼嚏噴草盛京志藜蘆根際似葱一名山葱紅

花莖五六寸根四五寸產山者佳產於水為水葱不入藥巴縣志

蒼耳 藁耳即詩卷耳俗呼蒼耳子盛京志蒼耳廣雅謂之泉葉如

鼠耳子多刺軋之出油俗名老蒼子巴縣志

苦參 即野槐根盛京志

地薷 藥之屬有地薷呼蘭志爾雅謂之王薷子青白色苦寒醫皮

膚熱氣巴縣志地薷嫩時可以為蔬俗呼掃帚菜瓊縣志

黃連 黑龍江愛琿產黃連皆雜煙莽中萎於霜雪無採劘者盛京志

通志藥之屬有黃連望奎縣志

五味子 女真出五味子明一統志五味子爾雅謂之葶藶入藥盛京志

黑龍江志稿 卷十四 物產 植物 三十九

五味子蔓生山谷實如豆俗呼山花椒巴縣志

牛旁子 一名惡實葉亦可為火絨盛京志牛旁子又名鼠黏子鼠

過則牽綴不脫葉如牛耳實圓多刺俗呼夜叉頭巴縣志

益母草 一名茺蔚即詩之葍黑龍江所產尤茂盛京志益母草小

暑端午或六月六日採用治百病尤良吉林外紀惟益母有人熬膏

他藥多不採黑龍江外紀茺蔚子即益母草莖方葉綠花紫白二色

八月結子氣味辛甘性微溫花葉莖與子同用拜泉縣志

蒲公英 蒲公英俗名婆婆丁春生最早五月開花黃如菊子如

粟外有白茸甘能消毒巴縣志

土大黃 俗名牛舌頭大者長一二尺呼蘭志土大黃葉似蕪麻根

如芋夏開黃花秋掘其根破之有錦紋藥中良品巴縣志

苦丁香 卽香瓜蒂巴縣志

白頭翁 草本白色盛京志 白頭翁葉生莖端有白茸狀似老翁俗

呼號子花巴縣志

透骨草 藥屬有透骨草林略縣志

天南星 熟女真土產契丹志

地骨皮 卽枸杞子根以冬令掘之入藥尤佳盛京志

五加皮 五葉交加故名宜漬酒盛京志

翻白草 高盈尺一莖三葉尖長而厚有皺紋如鋸齒面青背白

開小黃花結子皮赤肉白如雞肉故又名雞髀根荒年可採食

外吉紀林

白附子 熟女真土產契丹志 一名節附俗呼兩頭尖盛京志

黑龍江志稿 卷十四 物產 植物 四十

兔絲子 爾雅謂之唐蒙今多生豆田中農家往往以之飼豕盛京志

志通

王牟牛 生深山密林朽木上性溫其形長有寸許細如花莖色

黑肉白能下乳不易得產綏芬烏蘇哩諸山中創濩人有認識

者採之售賣此藥本草綱目所無吉林志

威靈仙 根叢鬚數百條長者二尺餘色黑俗名鐵腳盛京志

穀精草 穀田餘氣所出吉林尤多吉林外紀

海金沙 莖細如綫葉紋皺處有砂盛京志

無名異 俗呼土子盛京志

旋覆花 多生水旁長二尺許細莖葉似柳花如菊大如錢又名

金錢花吉林志

大薊小薊 花青紫葉多刺俗呼牛戳口有大小二種盛京志

一枝蒿 又名五龍草一名天仙子漏蘆寄奴草馬鞭草山谷間

悉叢生焉盛京志

老鸛嘴 蔓生枝間結角形如鸛嘴入藥治風亦可染阜盛京志

桑寄生 山中各樹多有寄生惟桑上者入藥盛京志

金銀花 黃白二色蕪必成雙一名忍冬盛京志

鼠尾草 生田野平澤中甚多紫花形如鼠尾吉林外紀

馬兜鈴 根卽青木香盛京志

夏枯草 方莖白花夏至卽枯盛京志

金線重樓 重樓金線長白山出明一本草作蚤休草生於深山

陰濕之地一名紫河車亦名草甘遂亦名三層樓草處處有之

黑龍江志稿

卷十四 物產 植物

四十一

未有採者盛京志

王不留行 花如鈴鐸實如燈籠殼五稜多生於麥地盛京志

茺莢 東北諸山亦有之亞於吳產盛京志

萎蕤 根似黃精而小異吉林志

狼毒 葉似商陸及大黃莖葉葉上有毛以實重者爲良吉林外紀

毒莖葉皆綠實如園中所種之凍青實而小根如羊蹄有漿七

八月採根陰乾治一切惡瘡拜泉縣志

豬苓 多生楓樹下皮黑肉白而實者良本草謂木之餘氣所結

亦如松之結茯苓吉林外紀

黃精 太陽之草名曰黃精博物志黃精服食上品初生苗土人採

食之名筆管菜盛京志

玉竹 似黃精苗卽小筆管菜與鈎吻不同通盛京志

百布 熟女真土產外吉林紀

細辛 一名少辛管子云五沃之土羣藥生少辛是也醫家以遼

細辛爲佳通行各省通盛京志細辛根細而味極辛葉似葵赤黑色

四月採苗陰乾主治欬逆上氣頭痛百節拘攣縣拜泉志

丹參 色紫產山谷陰處通盛京志

赤雹 蔓生結果如小瓜色正赤月令孟夏王瓜生卽此通盛京志

白前 形似牛膝粗長堅實而易斷通盛京志

百合 根如蒜頭有瓣又一種卷丹子生葉間又山丹似百合而

小亦名紅百合根皆可食蓋一類三種惟百合入藥通盛京志

地丁 有紫花黃花二種通盛京志

黑龍江志稿 卷十四 物產 植物 四十一

柴胡 質硬者竹葉柴胡質柔者韭葉柴胡通盛京志柴胡古作茈胡

莖葉皆青花紫根堅硬採根陰乾治腸胃結氣飲食積聚祛四

時瘟疫平肝去燥縣拜泉志

木通 一名通脫木通盛京志

石葦 生諸山中石上通盛京志

樹膽 生樹間如膽通盛京志

麥冬 藥屬有麥冬

遠志 苗名小草卽詩之萋通盛京志

商陸 卽易之莧陸處處平澤有之通盛京志

衛矛 幹上皮薄旁展者如箭羽通盛京志

薄荷 楊雄甘泉賦作芡菝葉似荏而尖長香味不如南中所蒔

盛京通志

元參 廣雅謂之鹿腸 盛京通志

獨活 一類二種節疎色黃者為獨活色紫節密者為羌活 盛京通志

白薇 其形短小柔軟而能彎 盛京通志

白蘇 蔓赤枝有五葉根如卵而長三五枚同窠一種曰赤蘇 盛京通志

通志

大戟 色白不及浙產之佳 盛京通志

瓜蒌 卽詩之果羸根卽天花粉 盛京通志

藁本 山海經謂之藁惹 盛京通志

蒺藜 詩謂之茨蔓生野地又一種入藥者名沙苑蒺藜 盛京通志

蛇牀 花似水芹子如蒔羅爾雅謂之虺牀 盛京通志

黑龍江志稿 卷十四 物產 植物 四十三

牽牛 黑白二種又名黑丑白丑 盛京通志

乾葛 春生苗引蔓色紫根形大於臂本草謂鹿食九草此其一

種 盛京通志

三稜 次於荆產者 盛京通志

豨薟草 爾雅茆蓺豕首卽今之豨薟草金陵銀線素莖紫莖可

治風病 盛京通志

黃柏 藥之屬有黃柏 呼蘭府志

艾 爾雅謂之冰臺 盛京通志

鹿茸 附 按鹿應列於獸屬但其角茸為一種至貴藥品且為江

省著名出產故附於此考茸角為馬鞍韉小茄包等名目而以

俗所稱四平頭者為最上蓋此項茸角血液已足精華未洩正

適中之時也查四平頭之製出分爲蠟片血片兩種蠟片光白如蠟爲角端之最嫩者血片色赤似血週邊茸毛細密其平面滿排小孔若蟲蝕者然性純陽善補可與人淺並用惟此項茸角又有山鹿家鹿之分家鹿茸其性力薄弱價值亦低於山角數倍用者不可不詳辨也據打角爲生者言家角其周圍之茸毛斜鋪角上若山角則其毛直立不倚云

植物瓜屬

越瓜 種始自越一名稍瓜短者爲菜瓜脆者爲脆瓜盛京志越瓜

蔓生青葉黃花立秋後結瓜有青白二色長一二尺味甘拜泉縣志

黃瓜 種來西域今爲常蔬又高麗瓜色黃形圓俗呼柿子瓜盛京志

通志黃瓜需水者曰水瓜其形長不需水者曰旱瓜其形短呼蘭府志

黑龍江志稿

卷十四 物產 植物

四十四

西瓜 女真果有西瓜北會編西瓜形如扁蒲而圓色極青翠經歲

則變黃其脆類甜瓜味甘脆中有汁尤冷可留數月但不能經

歲亦不變黃色有久苦目疾者曝乾服之而愈松漠紀聞鞞鞞國西

瓜一枚二人舉之瀛海勝涯西瓜相傳種自回紇今種自雲南哈密

來者味尤勝其味酸而子大者名打瓜專取子充用盛京志西瓜

蔓細而長葉成花紋形黃花結瓜圓大有紅瓢黃瓢白瓢之別

味最甘美綏化縣志

香瓜 卽甜瓜向有銀皮瓜芝蔴粒諸名盛京志甜瓜分四種瓢紅

子白者曰虎皮脆瓢紅子黃者曰鐵地青瓢子俱白者曰喇嘛

黃瓢黃子白形類羊角者曰羊角蜜皆宜生食可解暑呼蘭府志香

瓜卽甜瓜禮記爲天子削瓜指此向有銀皮瓜芝蔴粒高麗瓜

諸名今密瓜尤佳蒂入藥名苦丁香通盛京志詩幽風七月食瓜香

瓜四月種七月熟黃白青碧不同味極甜縣巴志

攪瓜 形類倭瓜而小內生筋絲醬醃蜜餞皆宜食時以筋攪取

出之似縷切通盛京志俗呼西葫蘆通吉林志似倭瓜而小入沸水中以

筋攪則成縷嫩食似冬瓜縣巴志角瓜醃而為菹香脆適口土人

割作長條曬乾用以禦冬惟煮食味殊不佳縣望志

絲瓜 瓜時以石墜之則直老則筋如亂絲通盛京志

苦瓜 一名錦荔艾俗呼癩葡萄亦堪作蔬通盛京志苦瓜充蔬苦澀

綱本
目草

瓠瓜 壺盧卽瓠瓜也今以長者名瓠子圓者名葫蘆皆可食又

有細腰者為藥葫蘆小而扁者為油壺盧老而堅皆可備器用

黑龍江志稿

卷十四 物產 植物

四十五

通盛京志瓠瓜蔓生花實俱白長者為瓠圓者為匏大腹者為壺細

腰者為蒲盧春種八月實成嫩者可熟食縣拜志

倭瓜 種出東洋者曰倭瓜種出南番者曰南瓜通盛京志倭瓜春種

秋熟大者重十餘觔其形圓長不一其色紅黃青白各異縣望志

打瓜 瓢白而子黑不可食舍瓢而取其子縣瑗志打瓜亦與西瓜

相同結瓜圓小瓢少子多曰瓜子炒熟食仁味殊美縣綏志

植物 果屬

松子 女真多產松實國契志諸山中最多率三歲之中一歲大收

志一統松子窩集中所產更勝結實大而芳美製清詩高宗御松子松

實中仁也土人狀之曰松塔下豐上銳鉅鱗密甲層累而成大

逾拳高幾及尺一鱗一松子子大如芸豆三稜味芬美產青黑

榛子 香美甲於他省經荒火燒落者尤佳盛京志榛子生於野甸

實圓滿未可以十榛九空之諺例之炒而售者高唱大燎榛子

終年不絕黑龍江外紀樹低小如荆叢生開花如櫟其實作苞三五

相黏一苞一實生青熟褐殼厚而堅仁白而圓湯原所產香美

異於他處湯原志榛子榛木三月生葉八月子成若遇野火焚燒

則變為楊矣拜泉縣志

高麗果 伊爾哈穆比俗呼高麗果叢生數寸莖端結果色紅味

甘而酸置器中少刻成水一名桃花水出愛琿者曰花水色赤

如豆入口成液離枝十數日輒化為水以蜜收膏充貢盛京志伊

爾哈穆昆叢生黑龍江城山野中色紅味甘酸大如豆摘食入

黑龍江志稿

卷十四 物產 植物

四十六

口成漿置盂中不久化為水國語花曰伊爾哈水曰穆昆故漢

名化水亦名高麗果黑龍江外紀桃花水草本狀若楊梅而無核色

紅味甘質輕脆過手即敗五六月遍地皆是居人擇最多處設

帳房載酒男女各為羣爭採食之明日又移他處食盡乃已柳邊

紀畧

普盤果 爾雅蒟山苺郭注今之木苺也實似蘆苺而大亦可食

苺有數種皆蔓生此則植生樹高四五尺枝亦柔輭莖多逆刺

葉有細齒頗似櫻桃葉而狹長四月開白花結實南人呼為普

盤北人呼為嬰門皆即蘆苺聲之轉也爾雅疏釋普盤即脫盤爾

雅謂之蒟蔓生實如桑椹而短色紅味甘酸盛京志脫盤多數顆

粒攢簇成盤形熟則脫蒂而落故曰脫盤色紅味甘美俄人以

蜜餞之用享佳賓

山定子 蜜餞充貢 通盛京志 山丁子熟於秋末形圓小似山葡萄皮

色深紅初熟時內質強味酸微澀唯採蓄數十日則內質柔皮

稍縐甘酸適口 志慶城縣 棠梨俗名山定子五月開花果如棟子

秋後熟陸機詩疏白棠子多酸美而滑赤棠子澀而酢皆棠梨

類也 志巴彥 棠李子俗名棠李子生熟均可食 縣瑗志 山定子一名山

丁樹高丈餘多刺花白實如豌豆熟時鮮紅味酸江省綏蘭黑

河等區多產之 採訪

山楂 山榘爾雅曰枕欒梅土人呼為山裏紅佳者蜜餞 通盛京志 果

子單山渣煮漿為之狀如紙薄勻淨可卷舒色紺紅故名果子

單味甘酸止渴 志廬從錄 山李紅狀似山丁子而稍大熟於中秋

黑龍江志稿

卷十四 物產 植物

四十七

皮色深紅內間紅白性綿柔味甚酸而稍甜肉少核多 志慶城縣

山裏紅楂類大為榘小為山裏紅味甘微酸熟始紅濾汁可為

膏 志巴彥

燈籠果 外垂絳囊中含赤子如朱纓俗呼紅姑娘 通盛京志 爾雅葳

寒漿注今酸漿草楊慎厄言本草燈籠草苦耽酸漿皆一物也

重複耳燕京野果有紅姑娘乃紅瓜囊之訛 志爾雅義 燈籠果一

名洛神珠又名酸漿草味甘酸食可療疾 志巴彥

草荔枝 叢生朱顛味甘似普盤而無子內地所無內興安嶺多

有之 通皇朝志

法佛哈 一名紅櫻即白梭果 通盛京志 實如小杏味酸甜 通皇朝志

歐李子 柔條叢生高二尺許花碎白實如小李味酸澀甯古塔

愛瑋皆有之

通盛京志

或云卽郁李大如櫻桃色味俱似李有言歐

陽文忠使契丹嗜此果故名歐李亦附會之說也

錄異域

歐李產

山谷間紫花紅實實若櫻桃微大竟體光潤味甘微酸

呼蘭志

杜實 產愛瑋小而赤似桑果味酸

通盛京志

有都實其幹不高紫根

葉長綠色實黑紫形如櫻桃味甘酸類葡萄

葡萄 園產者大而味佳有紫碧圓長之別山產者實小味酸有

黑白二種其尤小而深黑者卽詩之奠

通盛京志

葡萄紅酸紫甜

呼蘭志

山葡萄

實小味酸其色黑

呼蘭志

山葡萄一名燕奠生山中綠樹

成架葉似王瓜實如彈丸夏碧秋黑味酸微甘經霜尤佳汁可

釀酒蔓堅柔可作杖

巴彥縣志

黑龍江志稿

卷十四 物產

植物

四十八

山核桃

生楸樹上形似胡桃而長殼堅厚肉味頗勝

盛京志 山核

桃味甘

呼蘭志

稠梨子

一名英額梨叢生結實形如野葡萄而稍小色黑味甘

澀屑爲麪暑月調水服之可以止泄洩土人珍之

通盛京志

英莪紅

草果也結實纍纍如桑甚甘好可食叢生原隰間或言鸚哥關

多此草遂名傳訛爲英莪也

日錄從

吉林志載

清英額

謂稠梨子爲

以聲同額致誤高氏反

枸柰子

形如麥實味酸色紅俗呼狗孀子

盛京志

梨

渤海傳果有樂遊之梨

唐書

鑿巫閭山出香梨

一統志

有酸梨皮

黑

通盛京志

梨天寒凍結甚堅比石浸之以水寒氣內融冰屑外結

以手振之裂如脫殼去其繫而吮之甘冽無比

吉林志

山梨熟於

秋末大如核桃初熟時皮色青黃味酸而澀甚不適口惟採收後蓄之數十日則皮色微黑內質稍柔尙可取食也慶城縣志

梨爾雅謂之陽樾詩秦風隰有樹樾邑產皮厚渣粗酸澀微甘

巴縣志梨葉作卵形端尖夏初開花五瓣色白實為漿果大而圓

至秋成熟綏化縣志

李 渤海所貴者九都之李唐書北地苦寒但多草木如桃李之類

皆成圍至八月則倒置地中封土數尺覆其枝幹春季出之厚

培其根否則凍死大金志李子熟於中秋形畧小於山梨色間紅

黃皮甚薄內質柔含水甚多酸甜適口本地果品以此為最上

慶城縣志李木之多子者有紅黃二種先熟曰麥黃李大者曰牛

心李魏文帝與吳質書沈朱李於寒水王禎農書云黃李形大

黑龍江志稿

卷十四 物產 植物

四十九

而肉厚巴縣志李木高丈餘春日開花色白五瓣實圓全熟則赤

曰李子味畧酸可食木質堅緻可作器具綏化縣志

杏 色味俱佳盛京志杏有金杏銀杏木杏數種楊行密改杏為甜

梅禮祭法夏祠用杏管子五沃之土其木宜杏邑產木杏多夏

初開花秋後熟形扁色青黃味酸澀微甘遜於南產巴縣志

桃 金時甯江州獻瑞桃其大異常一本而連實者三大金志黑龍

江貢紅黑桃皮盛京志

棗 遼陽有之盛京志棗北地所產色青味甘可蜜漬吉林志

軟棗 本草以左思賦君遷為軟棗一名丁香柿其形如柿實小

而長今所產形如棗色青味甘蜜餞蓋別一種也盛京志軟棗蔓

生樹間色綠味甘呼蘭府志軟棗又名繫彌子蔓生色碧味甘秋熟

櫻桃 一名朱櫻禮云含桃爾雅楔荆桃今名櫻桃其紅白相間

者名玉櫻通盛志京櫻桃先百果熟色紅味甘又名鷲桃含桃許慎

謂鷲所含食禮月令天子以含桃薦宗廟巴縣志

蘋果 花粉紅色果紅碧相間通盛志京

花紅 實紅黃色蜜餞入貢檳子似花紅而大秋子似花紅而小

皆奈之屬通盛志京

沙果 似蘋果而小出甯遠州者最佳通盛志京

洋柿 俄羅斯種也草本實碩大逾於晉產枚重五六兩生青熟

紅味微甜呼蘭府志

桑椹 味甘酸色紫黑通盛志京

黑龍江志稿

卷十四 物產 植物

五十

勃臍 澗子中亦生人不知食柳邊紀略

栗 北地出者實小而味佳通盛志京栗可炊食之有數種大者為板

栗稍小者為山栗小如橡子者為莘栗小如指頂者為茅栗草本

綱目

榴 漢張騫使西域得塗林安石榴以歸又名海榴通盛志京

菱 一名芰色有紫有黑形有二角三角四角佳者歲取以供祀

通盛志京

藕 紅花者蓮多藕劣白花者蓮少藕佳廣羣芳譜

蓮實 小於建蓮亦可入藥通盛志京土人素不識蓮實因遊東京者

往尋蓮陂土人遂擷之以市絕域紀略城東蓮花泡處生有蓮花其

子頗小藕亦劣花惟有紅之一色湯原縣志